

INUIT ATAQATIGIIT

Inatsisartuni



17. januar 2020

Inatsisartut Suleriaasianni § 37, imm. 1 naapertorlugu apeqqutit uku Naalackersuisunut saqqummiuppakka:

Naalackersuisunut apeqqutit:

- 1. Nunatsinni inuit tusilartut katillugit qanoq amerlatigippat?**
 - a. Ukioqqortussutsini; meeqqat, inuusuttut, inersimasutm utoqqaat?**
 - b. Kisitsisit qiviaraanni ukiut 5 -10- 15-illu matuma siorna tusilartuuneq qanoq ippa, tusilartut amerlanerulersimappat?**
- 2. Nunatsinni tusaaniarnermikkut ajornartorsiuteqartut tusaasaqarnissaminnut artortoqartariaqartut qassiuppat?**
 - a. Meeqqat, inuusuttut, inersimasut, utoqqaat?**
 - b. Kisitsisit qiviaraanni ukiut 5 -10- 15-illu matuma siorna tusilartuuneq qanoq ippa, tusilartut amerlanerulersimappat?**
- 3. Tusilartut qanga kingullermik naapeqatigiissinneqarpat?**
 - a. Ukiut tallimat kingulliit qasseriartutik naapisinneqarpat?**
- 4. Tusilartunut siunnersortimik aalajangersimasumik Pissassarfimmut attuumassuteqartulimmik peqartoqarpa?**
- 5. Nunarput tamakkerlugu tusilartunut siunnersutsit qassiuppat?**
- 6. Inuit tusilartut tarnikkut ilisimasalimmit oqaloqateqartarnermik neqeroorfiginissaat pilersaarutigineqarpa?**
- 7. Tusilartut atugaasa pitsaanerulernissaat siunertaralugu Naalackersuisut sunik suliniuteqalersaarpat, tassani sulisartutut inuunermut pitsaanagerusumik attuumassuteqarnissaat kiisalu meeqqat tusilartut imaluunniit annertuumik tusaaniarnermikkut ajornartorsiutillit angajoqqaavinut kiisalu inersimasunut tusilartunut siunnersuinerit ilanngullugit?**
- 8. Naalackersuisut aalajangersimasumik meeqqat suli atualersimanngitsut tusaasaannik misissuisarnissaq pilersaarutigaat?**
- 9. Meeqqat nunaqarfinni isorliunerusunilu tusaaniarnermikkut ajornartorsiutillit imaluunniit tusaasamikkut annertuumik ajornartorsiuteqartut misissorneqarnermikkut paasineqalersarneri illoqarfinnit annerusunittutut pisarpa?**

(Inatsisartunut ilaasortaq Stine Egede, Inuit Ataqatigiit)

Tunggavilersuut:

Inuit tusilartut nunatsinni arajutsisimaneqartutut inissisimapput. Tusilartut tusilartunilluunniit meerallit kiisalu inuunermik ilaani tusillassimasut amerlasuut siunnersorneqanngitsutut siunnersueqatigineqanngitsutullu misigisimapput. Meeqqat amerlasuut kingusinaarpallaarujussuartumik tusaaniarnermikkut ajornartorsiuteqarnerat paasineqartarpoq. Suli oqaluttuat tusartarpagut, meeqqat tusaaniarnermikkut ajornartorsiuteqartut paasineqarsimannginnerat pissutigalugu artuarfianni ajortartorsiuteqartut nalilerneqartarnerat. Tamakku pisanngippata siunissami piffissaatillugu misissortinnikkut tusaaniarnermikkut ajornartorsiuteqartut ikiorseqapallaqqullugit paasineqartariaqarput. Taamaliornikkut atuarfimmi ikorfartorneqarnissaat malinnaasinnaanerallu anguneqassammat. Apeqqutikka aqqutigalugit tusilartut qanoq amerlatiginerannik, taakkulu ikiorneqarnissamut periarfissaannik Naalakkersuisut paasissutissiinissaat neriutigaara. Inuit innarluutillit Naalagaaffiit Peqatigiiffiata inunntu innarluutilinnut isumaqatigiissutaata malitsigisaanik pisinnaatitaaffeqarput.

Apeqqutima ullut suliffiusut qulit ingerlaneranni akineqarsimanissaat kissaatigaara.